

komen vor eyn rath Caspar Scheller und hat bekanth, das er schuldig sy Clausze Tappfere 10 guldin, dy er om uff unserm rathusze uff zinsze uz gewunen habe und hat om vor dy selbigin 10 gulden syn huszichin vor unser Frauwinthor, das vormalz Stoczczingis was, zu pfande yngesaczt, das er sich der obgeschr(iebenen) 10 guldin mit sampt den czinszin vor ydirmenlichin dar an erholen sal etc.

*a) alles durchgestrichen*

### 394.

1425 Oktober 21

#### ***Nickel Schiefermesser bekennt eine Schuld.***

*fol. 61v* <sup>(a)</sup>Wiszit das Nickel Schifermeszir bekanth hat, das er schuldig sy Otylige Roderyn selbschuldiglichen schuldig sy und Hansz Knorren zu Dreuwen, yrem brudere, zu getruwer hant schuldig sy 45 gulden, dy er ir ane vorzog globit hat zu bezalen, alz von Martini obir eyn jar und das gelt hat er laszin schr(eiben) uff syne erbe und guter, das sy vor ydirmenlichen dar von bezalt sullen werdin. Actum dominica die 11 milium virginum anno quo supra.

*a) alles durchgestrichen*

### 395.

1425 Oktober 27

#### ***Hans Paydan bekennt eine Schuld.***

*fol. 62r* <sup>(a)</sup>Wiszit das Hansz Paydan vor uns bekanth hat, das er Czoppolde von Lipczk schuldig sy 54 gulden, alz denne syn briff uzwyset. Dy selbe summe gulden hat er om by gefengnisze globet zu bezalen 5 gulden uff Lipziger markt nest komen, dar noch uff iczlichin margk 5 gulden, bis er on gancz bezalt. Und uff welche zit er on nicht bezalt, so salle er sin gefangner syn, bis er om uzrichtunge thut. Actum sabbato in vigilia Symonis et Jude anno etc. quo supra.

*a) alles durchgestrichen*

### 396.

1425 Oktober 27

#### ***Johannes Proße bekennt eine Schuld.***

*fol. 62r* <sup>(a)</sup>Wieszit das Johannes Prosze vor uns bekanth hat, daz om der alde Glaseberg geligin habe funfczig rynischze guldin, dy hat om Johannes